

याकूबइ फ्ह्रिबै फ्ह्रिछया

फ्ह्रिबै म्हिः याकूब । चु कुल्मिंबै चेला चिबमैं न्होंबैं घ्रि मुँल ।
चु याकूब प्रभु येशूए अलि ग (गलाती १:१९) । च यरूशलेम
सहरबैं परमेश्वर म्हांदिबमैं न्होंबैं चिब मुँल (चेला चिबमैंए केमैं
१२:१७; १५:१३-२१) ।

फ्ह्रिबै क्तह्योः यरूशलेम सहर ।

फ्ह्रिबै त्हेः ई. सं. ६० साल, बि. सं. ११७ साल जरे ।

फ्ह्रिबै ताँः चु फ्ह्रिछयार याकूबइ ह्युल तिगोंन् मुँबै
परमेश्वर म्हांदिबमैंइ छह खैले थोल् त्हुमुँ, चमैंइ लल् त्हुबै
के तो-तो जा, चमैंइ लल् आतबै केमैं तो-तो जा बिबै ताँमैं
फ्ह्रिइमुँ । धै दुःखर सैं च्योंब आलदु, सुखर आमत्तिदु, म्हि
इह्योसि के आलदु, खाबलासे आफेलदु, ताँनने क्हिदु, आगुए
फिर छयाब आल्हैदिदु, फ्ह्रोंब-नेब आलदु, थेब आफ्हेँनु, बरु
खैबै त्हेर्न बिले परमेश्वरनेन् प्राथना लरिद् बिसेया याकूबइ चु
फ्ह्रिछयार फ्ह्रिइमुँ ।

छले चु फ्ह्रिछयार याकूबइ येशूए फिर बिश्वास लबमैंइ
छयाँबै केमैं लल् त्हुम् बिबै ताँमैं फ्ह्रिइमुँ ।

चु फ्ह्रिछयार मुँबै ताँमैं

ओंसोंबै ताँ १:१

परमेश्वरए फिर क्वेंब नेरो ह्रब-सेबै ताँ १:२-८

इहाँदु नेरो प्लब १:९-११

दुष्टए डोमैं १:१२-१८

ताँ थेसि म्हांदिब १:१९-२७

म्हि इह्योसि आफेलब २:१-१३

परमेश्वर म्हांदिब नेरो छयाँबै के लब २:१४-२६

खैले पौल् त्हुम् बिब ३:१-१८

येशू म्हाँदिबैइ ह्युलर खैले छह थोब ४:१—५:६

ल्हें खालबै लोदा सैदा लबै तामैं ५:७-२०

1 परमेश्वर नेरो प्रभु येशू ख्रीष्टए के लबै म्हि याकूब उँइले* चु ह्युल तिगोंन् फ्हुँइ टिबै च्युसे इहं कुललाइ* जय मसीह मुँ।

0000000000 0000000000 00000 000000-00000 0000

2 ओ डए अलि-अडामैं, क्हेमैंए फिर ल्हें खालबै दुःख खमा बेल्ले सैं तोंन्।

3 तलेबिस्याँ क्हेमैंए बिश्वासए जाँच लबर छाबै दुःख तमा क्हेमैंइ झन् सैदिल् खाँबै भों योंम् बिसि क्हेमैंइ सेइमुँ।

4 छले सैदिल् खाँबै भों योबइले खैबै दुःखर्न बिलै क्हेमैं बिश्वासर भोब तसि दुक्काले टिद्।

5 क्हेमैंए न्होंर खाबलाज्यै बुद्धि चैदिस्याँ हिस आखल्ले सैं तो-ताँदै पिंबै परमेश्वरने हिरिगे। छले हिस्याँ खीजी पिंभुँ।

6 छले हिस्या चइ तिफुँइ संका आलल्ले “ह्नोंसइ हिस्या सै परमेश्वरजी क्ह्नोंसंन पिंम्” बिबै सैं मैरिगे। संका लबै म्हि थेबै खैइ छाइ-माइ लबै मा डचुँइबै क्युए भेल्ला धों तभुँ।

7 छाबै संक लबै म्हिइ प्रभु उँइले तोइ योंम् उ बिसि आमैलै तम्।

8 तलेबिस्याँ सैं इहंरि लबै म्हि तो सैरै या केर आफेब् तम्।

000000000 00000 00000

9 परमेश्वर म्हाँदिबै म्हि इहाँदु मुँलेया “परमेश्वरजी डलाइ थेब लमिंडमुँ!” बिसि चइ सैं थेब लरिगे।

* 1:1 1:1 00000 00:५५; मर्क ६:३; चिबै १५:१३; गला १:१९ * 1:1 1:1 00 00000 00000000 00000000 0000 00000000 000000 000000 00000000 000000 000 000000 00000000 000-बिना लवासि खन्तोदोंन् ल्हावाइ। याकूबए मतलब, प्रभु येशूए लिलि प्रबै च इस्त्राएलीमैलाइ धोले खन्तोदोंन् फ्हुँवाइमुँ।

10 छलेन प्लबै म्हि इहाँदु तयालेया सैं च्योब् आलरिगे, तलेबिस्याँ म्हि प्ललैया इहाँदु तलैया ट धोलेन् डचोँलोयाब्मुँ।

11 तलेबिस्याँ त्हांयाँ सार्ले प्रेमा प्हो डचोँलोवाम्, धै ट खारयासि केर आफेब् तयाम्। च धोलेन् प्लबै म्हि या छ लस्यो छु लस्यो इहाँन-इहाँन सियाम्।*

?????? ???? ?????

12 खैबै दुःख तलेया तोइ आइहाँन्ले दुक्काले टिबै म्हिइ आशिक योब्मुँ, तलेबिस्याँ बिश्वासए जाँच तमा सैदिल् खाँबै म्हिइ लिउँइ खोँयोँइ आखाँबै छह योब्मुँ। चु छह परमेश्वरजी खीलाइ म्हाँया लब्मैलाइ पिंम् बिसि बाछ्हा फैइमुँ।

13 जाँच लबर दुःख तमा खाबज्यै या “परमेश्वरजी डलाइ पापर च्होबर दुःख पिंइ” आबिरिगे, तलेबिस्याँ आछ्चाँबै केउँइले परमेश्वरए जाँज तल् आखाँ, खीजी खाबलाज्यै या जाँच आल।

14 दिलेया ह्हांसए आछ्चाँबै सैंइ लमा म्हिमैं पापर च्होम्।

15 छले आछ्चाँबै सैंइ म्हिमैंलाइ पाप के लबर ल्हैदिम्। पाप केमैंइ लमा डचो सिल् त्हुम्।

16 छतसि ओ डए खोबै अलि-अडाँमैं, फाकबैं ताँ आक्वेन्:

17 तलेबिस्याँ ताँन् छ्चाँबै दान बरदानमैं त्हांयाँ नेरो लयाँ बनेबै परमेश्वरउँइले युम्। तलेबिस्याँ खी खोँयोँइ इहरि कुरि आत।

18 खीजी बनेबै ताँन् सैमैं न्होर डचो ओसोबै रो धो तरिगे बिसि खीए सैंर मैब् धोले खीए क्हांसंन्बै ताँउँइले डचो खीए प्हसेमैं तल् पिंइ।

??? ???? ?????

19 ओ डए खोबै अलि-अडाँमें, कहेमैं ताँनइ चु ताँ सेल् त्हुम्, ताँन् म्हिमें छिट्टले डेंब, कहैल्ले पौल् त्हुम्, धै युनन् हिस खल् आत ।

20 तलेबिस्याँ हिस खबै म्हिइ परमेश्वरए के छेनाले लल् आखाँ ।

21 छतसि ताँन् आछ्याँबै ताँ नेरो दुष्ट केमैं लब पिवाद, बरु परमेश्वर म्हाँदिसि खीए छ्वेर बिबै ताँ कहेमैंए सैर थेंसि च्योने तद् । छलस्याँ कहेमैं जोगेभुँ ।

22 दिलेया परमेश्वरए छ्वेर बिबै ताँ थेइरि मत्त्रे ह्रोंसलाइ आलुद, चइ बिब् धोले प्रद् ।

23 परमेश्वरए छ्वेर फ्लिबै ताँ थेलेया चइ बिब् धोले आप्रबै म्हि दर्बनर लि इह्योबै म्हि धोन् तब् ग ।

24 तलेबिस्याँ च म्हिइ दर्बनर ह्रोंसए लि इह्योसि ह्याम्, दिलेया ह्रोंसए लि खैबै मुँ बिसि चइ म्लेयाम् ।

25 दिलेया परमेश्वरए ठिमबै ताँमें छेनाले थेसि चर बिब् धोलेन् प्रबै म्हिइ आशिक योँभुँ । तलेबिस्याँ ठिमइ छ्याँबै छ्ह खैले थोल् त्हुम् बिबै ताँमें लोमिम्, धै ठिमबै ताँमें आम्लेबै म्हि ठिमइ बिब् धोलेन् लरिम् ।

26 खाबज्यै या “डइ ठिक के लइमुँ” बिमुँ, दिलेया ह्रोंसए सुँइ तो योँमुँ चन् पोम् बिस्याँ चइ ह्रोंसलाइन लुम् । छाबै म्हिइ ठिक के ललैया चइ लबै के फाकर्न तम् ।

27 बरु डचोए परमेश्वर आबाजी खोबै केमैं चुन् गः टार-टोरमें नेरो म्हरेस्योमैंए दुःखर ल्होमिंब, धै ह्रोंसै या चु ह्युलबै पाप केउँइले हेंगो टिब ।

2

????? ?????????????? ??????????

1 ओ डए अलि-अडाँमें, ताँनइ म्हाँदिल् त्हुबै डचोए प्रभु येशू ख्रीष्टए फिर क्हेमैँइ बिश्वास लइमुँ। छ्त्तसि क्हेमैँइ खाबलाज्यै आफेलद्।

2 म्हि ग्नि माराए च्यामैँ नेरो सै ल्हें फेबै छ्याँ-छ्याँबै क्वें खिसि क्हेमैँए च्हों धिर खइ, छ्लेन इहाँदु म्हि या थौनि क्वें खिसि खइ बिस्याँ,

3 क्हेमैँइ च छ्याँबै क्वें खिबै म्हिलाइ मान लसि “चु छ्याँबै क्ल्ह्योर क्हुँन्” बिम्, दिलेया च इहाँदु म्हिने बिस्याँ क्हेमैँइ “क्हि चर्न राद्,” अथवा “डए प्हले डाँर क्हुँन्,” बिम् बिस्याँ,

4 तो क्हेमैँइ ह्त्तोंसए न्होंन फेलब नेरो आछ्याँबै सैं प्ह्याबै म्हिमैँ धों तइ आडिं वा?

5 ओ डए खोबै अलि-अडाँमें, डए ताँ थेद्, परमेश्वरजी चु ह्युलबै इहाँदुमैँलाइ खीए फिबै बिश्वासर भोंब् लमिसि स्वर्ग ग्याल्सबै हगवालमैँ तबर त्हाँब, आडिं वा? खीलाइ म्हाँया लभ्मैँने चु ग्याल्स पिंम् बिसि खीजी बाछ्छा फैब, आडिं वा?

6 दिलेया क्हेमैँइ मि इहाँदुमैँलाइ म्हि आच्छि। क्हेमैँलाइ दुःख पिंभ्मैँ खाब् जा? च प्लभ्मैँन् आडिं वा? क्हेमैँलाइ नियाधिश् डाँर बोभ्मैँ चमैँन् आडिं वा?

7 डचोए प्रभु येशू ख्रीष्टए बारेर आछ्याँबै ताँ पोंभ्मैँ चमैँन् ग। खीए मिंउँइलेन् क्हेमैँ हुइब् आडिं वा?

8 बरु क्हेमैँइ परमेश्वरए छ्वेर प्ह्लबै खीए ग्याल्सबै ताँमें छेनाले म्हाँदिसि क्हेमैँइ

“ह्त्तोंसए इहेब् ट्हुभ्मैँने ह्त्तोंसलाइन धोंले म्हाँया लद्!”

बिबै ताँ डिंस्याँ क्हेमैँइ छ्याँबै के लभ्मुँ।*

9 दिलेया क्हेमैँइ म्हि इह्योसि के लइ बिस्याँ क्हेमैँइ पाप लम्, धै छ्वेबै ताँउँइलेन् क्हेमैँ छ्याब् मुँबन् तम्।

10 तलेबिस्स्यां छ्वेबै तान् ठिममै म्हाँदिसि ठिम त्रि मत्त्रे आम्हाँदिबै म्हिइ छ्वेबै तान् ठिममै आम्हाँदिब् धोन् तसि परमेश्वरए उँइर छ्याब् मुँबन् तम् ।

11 तलेबिस्स्यां “फ्रेँ आक्ल्योन्”☆ बिबै परमेश्वरजी “सैब्-म्लुब् या आलद्”☆ बिइमुँ । छ्त्तसि किहइ फ्रेँ आक्ल्योन्ले सैब्-म्लुब् लइबिस्स्यां किह छ्वेबै ठिम आम्हाँदिबै छ्याब् मुँबन् तइ ।

12 परमेश्वरए छ्वेबै ठिमइ क्हेमैलाइ आछ्याँबै बानि-बेहोरमै उँइले स्योमिंम्, धै च ठिमइ बिब् धोले क्हेमैए फिर खीजी निसाफ लब्मुँ । छ्त्तसि च ठिमइ बिब् धोले तो पोंमुँ तो लमुँ च छेनाले लद् ।

13 अरूए फिर ल्हयो आखबै म्हिए फिर परमेश्वरज्यै या ल्हयो खरिब् आरे । दिलेया अरूए फिर ल्हयो खइ बिस्स्यां, परमेश्वरजी निसाफ लमा क्हेमै फ़िरै या ल्हयो खमिंब्मुँ ।

११११११११ १११११११११ १११११ १११११११११ ११ ११

14 ओ डए अलि-अडाँमै, खाबज्यै या “डइ परमेश्वर म्हाँदिम्” बिलेया, छ्याँबै के आलस्यां चइ बिश्वास लब तो केर फेइ? तो चए बिश्वासइ परमेश्वरए हिसउँइले चलाइ जोगेल् खाँम्मा?

15 अलि-अडाँए न्होरि खाब् मुँलै खिबै क्वेँ आरेस्यां, चब सै या आयोस्यां,

16 क्हेमैए न्होरि खाबज्यै चने “छेनाले ह्याद्, टोन्ले टिद्, म्नेन्ले चद्” मत्त्रे बिसि चए चैदिबै सै तोइ आपिंइ बिस्स्यां, चइ तो योंइ? तोइ आयो ।

17 च धोलेन् परमेश्वर म्हाँदिलेया छ्याँबै केमै आलस्यां चइ परमेश्वर म्हाँदिब फाकर्न ग ।

18 दिलेया कोइ म्हिइ बिलै, “क्हिने प्रे बिश्वास मुँ, डने प्रे केमै। ल्हु, छबिस्याँ के आलल्ले किहइ लबै बिश्वास डने उँईन्दि! धै डइ के लसि डइ लबै बिश्वास किहने प्रे उँईंमुँ।”

19 परमेश्वर भ्रि मत्त्रे मुँ बिबै ताँ किहइ क्वेम्, चम् डिंबन् ग! मोंमैज्यै या छलेन् क्वेम्, धै डिहंसि त्हारम्।

20 ओ ताँ आकहोबै म्हि! छ्याँबै के आलब्मैए बिश्वास केर आफेब तम् बिसि डइ किहने चिनु उँईरिगे इहाँइमुँ वा?

21 डचोए खे अब्राहामइ ह्त्तोंसए च्ह इसहाकलाइ परमेश्वरए मिंर खो पिंबर होंइ। छतसि परमेश्वरए उँईर च ठिक के लबै म्हि तइ, आडिं वा?*

22 अब्राहामइ बिश्वासउँईलेन् छाबै के लइ। छले चइ लबै केउँईलेन् चए बिश्वास क्त्तोंसेन्बै मुँन बिब् सेइ।

23 छले पबित्र छवेर छ बिसि पोंबै ताँ पूरा तइ:

“अब्राहामइ परमेश्वरए फिर बिश्वास लइ,

छाबै बिश्वासइ लमा परमेश्वरए उँईर च ठिक के लबै म्हि तइ।”

छतसि अब्राहाम “परमेश्वरए थु,” तइ।*

24 छतमा खीए फिर बिश्वास लब्मैइ बिश्वास मत्त्रे आडिं, छ्याँबै केमै या लल् त्हुमन। छलस्याँ परमेश्वरए उँईर ठिक के लबै म्हिमें तब् मुँन।

25 छलेन राहाब बिबै फ्यालुस्योज्यै या डचोए यहूदी हेंए खेमै यरिहो सहरर छै लबर ह्यामा ह्त्तोंस डार खबै यहूदीमैलाइ चब् थुँब् लमिसि चबै म्हिमेंइ था आसेल्ले अर्को घ्याँउँईले कुल्मिंइ। छाबै केउँईलेन् च ठिक ठहर्दिब आडिं वा?*

26 छतसि खैले ज्युर प्न्ह आरेस्याँ म्हि सियामुँ, छलेन छ्याँबै के आलबै बिश्वासै या सियाब् धोंन् ग।

☆ 2:21 2:21 ०० ००:१-१४

☆ 2:23 2:23 ०० ००:६; २ इति २०:७; यशै ४१:८

☆ 2:25 2:25 ००० ०:१-२१

3

????? ?????? ????????? ?????? ????

1 ओ अलि-अडॉमैं, क्हेमैंए न्होरि ल्हें म्हिमैं लोमिंबै चिब तल् आम्हैद्, तलेबिस्याँ परमेश्वरजी निसाफ लमा लोमिंबै चिब्मैंलाइ कडा निसाफ लब्मुँ बिसि क्हेमैंइ था सेइमुँ ।

2 डचो ताँनइ ल्हें गल्लिमैं लम्, दिलेया खाबइ ह्रोंसइ पोंबै ताँर गल्लि आल, चइ ह्रोंसए ताँन् ज्युइ या तार झॉल् खाँम्, धै च क्ह्रोंसेन्बै छ्याँबै म्हि तम् ।

3 डचोइ बिब ड्रिगे बिसि घोडाए सुँर लगाम झॉस्याँ ह्रोंसइ खनिर बोदा इहाँमुँ छाइन बोल् खाँम् ।

4 इह्योत्ति, क्यु झाजमैं थेबै खैंए भोंइ प्रम् । क्यु झाजमैं थे-थेब मुँलेया च्युथिरि ओलेबै सैउँइले क्यु झाज ओलेबै म्हिइ ह्रोंसइ खनि बोदा इहाँमुँ छाइन बोम् ।

5 छ्लेन डचोए ले च्युथिरि मुँलेया डचोइ तार आझोंस्याँ चइ थे-थेबै ताँ पोंम् ।

च्युथिरि मिइ थे-थेबै क्ह्यों (बन) तिस्यादेर्न ख्रोंवाम् ।

6 डचोए ले या मि धों तब् ग । ज्युबैं सैमैं न्होर डचोलाइ पापर च्होवाबै सै चुन् ग । चुइ ताँन् ज्यु पापर च्होवाम् । धै डचोइ छ्ह थोमा डचोए लेइ नर्गए मि धों तसि लल् त्हुबै केमैर मि त्हवाम् ।

7 ह्युलबैं ताँन् खालबैं खेदो, नमे, फ्हरि, ताँगमैं म्हिइ तार झॉल् खाँमुँ ।

8 दिलेया म्हिए ले खाबज्यै या तार झॉल् आखाँ । लेम् बिखइ प्लिंबै तार झॉल् आखाँबै दुष्ट सै ग ।

9 चु लेउँइलेन् डचोइ डचोए प्रभु नेरो परमेश्वर आबाए मिं क्वेम्, धै चु लेउँइलेन् परमेश्वरजी बनेबै म्हिमैंलाइ गाल् केम् ।*

10 च सुँउँइन परमेश्वरलाइ धन्यबाद पिंब नेरो म्हिमैंलाइ गाल् केब लम् । ओ डए अलि-अडॉमैं, छ् तल् आतमल ।

- 11 मुल भ्रिउँडले लिंब नेरो काँबै क्यु त्हांम् रो वा?
 12 ओ डए अलि-अडाँमै, तुँबु धुँर जैतुनए रो रोल् खाँम्मा? धै अँगुरए धुँर तुँबुए रो रोल् खाँम्मा? आखाँ! छलेन काँबै क्युए मूलउँडले लिंबै क्यु त्हांल् आखाँ।

१११११११११ १११११ १११११११११११११११ ११११ ११११

- 13 क्हेमै न्होर ह्रब्-सेब नेरो ताँ क्होबै म्हि खाब मुँ? च म्हिइ थेब आफ्हेन्ले छ्याँबै बानिउँडले छ्याँबै केमै लसि उँडरिगे।
 14 दिलेया क्हेमैए सैर ह्रिस लब, खोंबै सै मुँडबिस्याँ छाबै ताँर आफ्हेन्। छाबै ताँर थेब फ्हेँस्याँ क्हेमैइ क्होंसेन्बै ताँ थोम्।
 15 छाबै के परमेश्वरउँडले योबै ह्रब्-सेबै ताँ आडिं। दिलेया चु ह्युलबै, ड्योए आछ्याँबै सैउँडले खब नेरो शैतान बिबै दुष्टउँडले खबै ताँ ग।
 16 तलेबिस्याँ म्हिमैइ आगुए फिर ह्रिस लब, खोंसि ल्हेँ किल् म्हेँस्याँ चर सै आक्हिसि म्हिमैइ दुष्ट केमै लम्।
 17 दिलेया परमेश्वरजी ह्रब्-सेबै लमिंबै म्हिए सै छ्याँब तम्, धै चइ आक्हिसि क्हमिंब, आगुए फिर ल्हयो खब, च्हेँसि मैसि के लब, दयाम्हाँया लब, छ्याँबै केमै लब, खाबै आफेलल्ले क्होंसेन्बै ताँ लब तम्।
 18 छले क्हिल् लबै म्हिमैइ क्हिवै ताँ पोंसि ठिक केमैए रो योम्।*

4

११११११ ११११ १११११११११ १११११११११ १११११ ११११ ११११

- 1 क्हेमैए न्होरि फ्होंगि कैगि खनिउँडले खमुँ? च ताँन् केमै सयल थोदा इहाँबै सैउँडले खम्, आडिं वा? छाबै सयल थोबै ताँ क्हेमैए सैर खोंयोँइ बिले तरिम्।

* 3:183:18000 0000000 00 000000 00000, म्हिमैए न्होरि ताँनइ ठिक के लमा फ्होंगि आत।

11 ओ अलि-अडाँमैं, कहेमैइ घिइ घिए बारेर आछयाँबै ताँ आलद। प्रभु म्हाँदिबै अलि-अडाँमैए बारेर आछयाँबै ताँ बिसि छयाब् ल्हैदिबै म्हि परमेश्वरए ठिमबै ताँ थोम्। छलस्याँ परमेश्वरए ठिमलाइ छयाब् ल्हैदिम्। छले किहइ “परमेश्वरए ठिम ठिक आरे” बिसि ताँ थोस्याँ, किह परमेश्वरए ठिम म्हाँदिबै म्हि आडिं, बरु किहम् “ठिम ठिक आरे” बिबै म्हि ग तइ।

12 ठिम पिंब नेरो निसाफ लबै परमेश्वर घि मत्त्रे मुँ, खीजी जोगेलै खाँम्, सैलै खाँम्। छतसि ह्त्रोंसए इहेब टहुब्मैए फिर छयाब् ल्हैदिब किह खाब् जा?

???????? ???? ???? ?????????

13 “तिं-फ्न्हों खोयो मुँले या डि सहर घिर ह्यामुँ धै चर तिंदिं दे टिसि छों लसि नफा लब्मुँ,” बिबै म्हिमैं, डए ताँ थेद!

14 फ्हना तो तम् कहेमैइ आसे। कहेमैए छह तो मुँ रो? कहेमैम् न्हाँम्स्यो धों तब् ग। च न्हाँम्स्यो तिस्याँदे म्रोंबै तोंदोंन् म्हयाम्।
☆

15 बरु “प्रभुए सैं मुँस्याँ डि सोसि छ लब्मुँ छु लब्मुँ,” बिसि कहेमैइ बिल् त्हुमल।

16 दिलेया तोगो कहेमै ह्त्रों-ह्त्रोंसन् ह्त्रब् फ्हेंसि चाँजो लम्। छाबै फ्हेँबै ताँमैं ताँन् आछयाँब् ग।

17 छतसि ठिक के लल् ह्त्रसेया आलबै म्हिइ पाप लम्।

5

?????? ???? ???? ?????????

1 ओ प्लबै म्हिमैं, डए ताँ थेद। कहेमैए फिर तखबै दुःख मैंसि बेल्ले न्हँ लसि क्रोद।

2 कहेमैए सै न्होर काँयाइमुँ, धै कहेमैए क्वेमें फ्हुलुँइ चवाइमुँ।

3 कहेमैए मारा चाँदि साँथेंसि खैर खइमुँ। छले साँथेंबै मारा चाँदिर मुँबै खैरइन कहेमै मुइ पैसाए म्हाँया लब्मै मुँन बिसि ग्वाइ पिंभुँ। छले साँथेंबै सै न्होरइन मिइ खोंवाब् धोले कहेमैलाइ खोंवाब्मुँ। तलेबिस्याँ नुयाबै त्हिंइए ल्हागिरि कहेमैइ सै न्होर साँथेंइमुँ।✧

4 म्रोर के लबै म्रोंमैलाइ पिंल् त्हुबै नों सै कहेमैइ आपिंइमुँ। च नों सैइ कहेमैए फिर छ्याब् ल्हाइदिइमुँ। ताँन् भन्दा थेबै भों मुँबै परमेश्वरजी कहेमैए म्रोंमैए सैं क्रोब थेल् खाँइमुँ।✧

5 कहेमै चु पृथ्वीर बेल्ले सयल थोसि सैंर मैब धोले छह थोइमुँ। खो पिंबै त्हिंइर सैबै ल्हागिरि छोल्ले न्हथेंबै क्यु धोले कहेमै छोइमुँ।

6 कहेमैए न्होह्रों आलबै छ्याब् आरेबै म्हिलाइ छ्याब मुँ बिसि कहेमैइ सैवाइमुँ।✧

000000 0000000000 00000 00000 0000 00000000

7 छतसि ओ अलि-अडाँमै, प्रभु आयुन् समा दुक्काले टिद्। ताँ घ्रि बिले, म्रों रुँइसि म्हिइ बालि आखुन् समा दुक्काले टिरिम्। चइ आरुँइन् समा बर्ख नेरो सर्खबैं नाँ युब पैरिम्।

8 च धोलेन् कहेमै या ह्नेसि टिरिद्। ह्रोंसए सैं भोब् लद्, तलेबिस्याँ प्रभु येशू युनन् युब्मुँ।

9 छतसि ओ अलि-अडाँमै, परमेश्वरजी कहेमैलाइ सजैं आपिरिगे बिसि खाबज्यै या घ्रिइ घ्रिए बारेर ताँ आलद्। निसाफ लबै परमेश्वर म्राग्यार्न मुँ।

10 ओ अलि-अडाँमै, स्योम्बै परमेश्वरए ताँ पोंबै म्हिमैए बारेर सैंर मैन्। चमैए फिर दुःख तलेया सैदिसि टिब् धोले कहेमै या टिद्।

11 च आङ्गिहन्ले दुःख सैदिबै म्हिमैने ड्चोइ ड्हो सभ्मै बिम्। स्योम्बै अय्यूब बिबै म्हिइ सैदिबै दुःख नेरो प्रभुजी लिउँइ चए फिर

लहें आशिकइ प्लिमिंइ बिबै ताँ या कहेमैइ थेइमुँ। छतसि प्रभुजी दयाम्हाँया लम् बिबै या डचोइ सेइमुँ।*

?? ????

12 ओ अलि-अडाँमैं, ताँन् भन्दा थेबै ताँ चुन् गः स्वर्ग, पृथ्वी नेरो अरु तोइ सैए मिर कसम आचद्। बरु ह्रोंस छ्याब आरेब् तबै ल्हागिर क्हाँसेन्वै ताँ मुँस्याँ “डिंबन्” बिद्, आडिंबै ताँ मुँस्याँ “आडिं” मत्त्रे बिद्। खै तमुँ, छान् बिद्।*

????????? ???? ???? ?

13 कहेमैए न्होंरि खाबलाज्यै या दुःख तइमुँ वा? चइ प्राथना लरिगे। खाबै या सैं तोरिइमुँ वा? सैं तोरिइमुँ बिस्याँ चइ प्रभुए मिर क्वे प्रिरिगे।

14 तो कहेमैं न्होंरि खाबै या नइमुँ वा? नइमुँ बिस्याँ चइ परमेश्वर म्हाँदिब्मै न्होंवै चिबनाँब्मै हुइल् त्हुम्, धै चमैइ च नबै म्हिलाइ प्रभुए मिर छ्युगु फोसि प्राथना लमिरिगे।*

15 छले बिश्वास लसि लबै प्राथनाइ नबै म्हि सब्मुँ। धै प्रभुजी चाए नब सल् लमिंम्, झाइले चइ पाप लइमुँ बिस्याँ चइ क्षमा योँब्मुँ।

16 छतसि कहेमैं घ्रिइ घ्रिने ह्रों-ह्रोंसए पाप आलोद्, पाप लइमुँ बिस्याँ लइमुँन् बिद्। झाइले कहेमैं सबै ल्हागिर घ्रिइ घ्रिए ल्हागिर प्राथना लद्। छ्याब आरेबै म्हिइ लबै प्राथनार शक्ति मुँ, छतसि चइ के लम्।

17 स्योँम्बै एलिया बिबै म्हिए ताँ मैन्। च डचो धों तबै म्हिन् मुँल। दिलेया चइ नाँ आयुरिगे बिसि सैं न्होंउँडैलेन् प्राथना लमा सोदिं से म्हेँन ट्हुल् समा च ह्युलर नाँ आयुल।*

☆ 5:11 5:11 000 0:२१-२२; २:१०; भज १०३:८ ☆ 5:12 5:12 00000 0:३४-३७

☆ 5:14 5:14 0000 0:३३ ☆ 5:17 5:17 0 00000 00:१; १८:१

18 लिउँइँ धबै नाँ युरिगे बिसि चइ प्राथना लमा मुउँइँले नाँ युसि सउँइँले या प्तुमैं म्लोसि रा-रोमैं रोइ ।☆

??

19 ओ अलि-अडॉमैं, क्हेमैं न्होरि खाबज्यै क्ह्नोंसंन्बै घ्याँ पिवामा खाबज्यै धबै चलाइ बिश्वासर एपखस्य्याँ,

20 चइ चु ताँ था सेरिगे: पापि घ्निलाइ चए आछ्याँबै घ्याँउँइँले एपखबै म्हिइ चलाइ सिबउँइँले जोगेमिंब्मुँ, धै चए ताँन् पापमैं क्षमा तब्मुँ ।☆

Gurung Central Adapt It Study Bible
Gurung: Gurung Central Adapt It Study Bible (New
Testament+)

copyright © 2020 Wycliffe Bible Translators, Inc.

Language: Gurung (Gurung, Western)

Contributor: Wycliffe Bible Translators, Inc.

© Wycliffe Bible Translators, Inc.

All rights reserved.

2025-05-03

PDF generated using Haiola and XeLaTeX on 2 May 2025 from source files
dated 3 May 2025

54ead5f0-09ac-5893-ab7c-505713abe514